

梅湖集

下







梅湖遺稿

附錄

北溪公詩

二首

栢軒公詩

二首

思齋公墓碣銘

竹溪公墓碣銘

錦湖先生詩

四首

剡湖公詩

六首

栢谷先生詩

三首

松溪先生詩

一首

修齋先生詩

二首





喚醒菴先生詩 一首

樂谷公詩 一百六首

既心齋公詩 十四首

歐陽公詩

北溪公詩





北溪公詩附

公諱有蕃梅湖六世孫也以門功行泰安郡守  
政尚清簡不犯秋毫民有去後思

五言絕句

儉和堂自叙

公構草屋數間仍署號曰儉和堂而消息於平生

尚儉儋裕綽主和乃靜安

絕句二首而一絕與一絕末句鼠蝕故只記一句

自挽

主忠信而寡欲兮愧一生之工夫彼六臣之連坐兮  
恨不與甘心而同歸獨南行而莫我知兮命矣夫何  
嗟及



按此詞卽景泰丙子 世祖愠梅竹堂成三問

公以外從連坐謫碧潼賜苑公因殉節也逮六

臣仲完公亦蒙 贈吏曹叅判從享于寧越

莊陵朝士壇有碑



栢軒公詩附

公諱宇梅湖之九世孫也

中廟甲午中司馬魁

元文章德器冠於太學與當世名賢閔起文友善

哀新城賦

甲午式年二月進士壯元

夫誰云天卑之常性恒在人而不息恩或乖於妖謾  
在父子而相賊痛晉君之敗倫曾未聞於禽犢泣申  
生於新城血萬古之空碧孝雖篤焉何怙天鑑下之  
漠漠自凱風之吹斷哀棘心之無育承天只之異類  
恩一原於存沒禍及萌於所恃甚梟獍之相噬父信  
讒而生疑反以我而爲毒不自邇而以遠指新城之



異域君盛怒而不霽欲進察焉可得退舍愠而莫訴  
哭昊天而何極雖言志之在我聽已斷於君側生不  
免爲逆子寧一死而自滅嗟新城之一域逗極天之  
彝則恨愈久而愈結射天赤兮慘色未感悟於當時  
乃悲余於今日云爾死之雖可柰爾父之益惑若綏  
死於一日待自牖而納約寔天理之未泯幸爾罪之  
得脫懷孤憤而不釋爾兮父兮自絕然反求於爾心  
死亦出於不得已也悲君惑之日深讒何時而止也  
死雖難兮生亦艱強爲生兮寧死人一死兮含愁地  
千齡兮載悲魂飄蕩兮何許汝之招兮以詞詞曰舜



其聖也夔夔齊慄魂兮歸來履而爲席吉甫賢也不  
舐厥犢魂兮歸來爾何獨惜父知有死必解其惑魂  
兮歸來情庶幾自達

七言絕句

臨刑時作

漠漠皇天不我明浮雲流水柰吾生平生所抱無人  
識獨有清時寃鬼名

逐睡  
篇

按此詩公以簡亢直氣不肯與金安老交遊一  
日安老來於館親見求容公以太學掌議不得  
已交接安老出即爲焚其席滌其軒由是大與



安老忤安老與家人李承孝嗾造誹謗歸之於  
公就刑也李公悌胤言於太學曰陳公死孰能  
從我餞之皆不應李公獨持酒壺飲公於市痛  
哭而別涪溪記聞公臨死有詩詩有忠直之氣自然  
感動於天聽矣 贈執義加 贈大司憲

附遺墟碑文

吏議李公翊曾撰遺墟碑曰天既卑公以正直之  
氣生於昌朝之時若將有意而反祝之斲之從而  
闕之抑又何哉然微公之言安老之姦莫彰微公  
之死安老之惡莫稔丹心皎日碧血淪地而上



心豁然悔悟屢以峻贈斥逐權奸乾綱復整朝著  
清明於是公之一死重於九鼎大呂百世之下尚  
足以廉頑立懦斯豈非天意乎向使公韜光鏤彩  
與世浮沉由是而享高年致厚祿無怪也而視諸  
生有所樹沒有餘榮使遺墟草木衣被其光輝其  
得失又何如哉五歲晚圃公書忠孝二字訓其子  
義能潛心聽受時常誦之曰人不忠孝可謂人乎  
凡於文字隨聞輒解晚圃公慮其早慧不加督焉  
十五受業於慕齋金先生安國之門先生大器之  
日斯人文行罕見其儔







竹溪公事實附

公諱憲梅湖九世孫也稟質剛明操守堅確以孝  
悌誠敬爲居家律身之本師事靜庵趙先生且與  
信古堂盧公友明爲道義之交嘉靖十年中司  
馬十九年除將仕郎獻陵叅奉巳卯士禍與一  
代名賢倡正論扶斯道

巳卯錄

篤志好古有才

但有數  
字而已

按公之被竄時公之子克昌先公而死子婦鄭  
氏有遺腹黨禍轉深見聞日危架笥文卷盡投



火中公所著庸學釋疑四禮類編諸賢問荅若干篇見燒無傳

縣監鄭德濟撰碣銘曰瞻彼華章君子幽宮鄒魯鄉望梅湖家風已卯禍作凜然精忠道廢亦命胡吊危窮遺名不沒一代諸公



思齋公墓碣銘

附

公諱寔字樂而梅湖九世孫也 明廟丁未登第

弘文館副提學

都憲李先生俊民以亡友陳公行義囑提學朴啓

賢銘之嗚呼吾尚恐銘諸 中廟朝金安老當國

殺士以逞公之兄進士公字以清明直氣爲其所

害公年未弱冠上書訟其寔士論驚悚已知非常

人 明廟丙午中司馬明年 謁聖試士賜及第

選入槐院爲正字遷藝苑檢閱奉教歷兵刑工三

曹佐郎轉正言修撰甲寅爲選曹佐郎屢轉檢詳



舍人出入清班風彩愈著物論以公輔期云已未  
再入玉堂爲翰林直提學階堂上爲天曹叅議公  
性稟抗直操履端方遇事不顧毀譽讀書至忠臣  
義士捐身殉國處爲之慨然流涕宗族蒙其仁朋  
友信其義可謂孝悌忠信之人也系以銘曰我觀  
陳公古人之風克孝克悌亦信亦忠養德韋布秉  
哲之士立于本朝金玉君子孰不愛公我先人後  
天之付畀旣豐而富意者有爲相我君民吾道之  
孤命矣斯人醴泉原渴靈芝不榮百世在後不沒  
者名峻山之趾有銘斯碣方跌圭首過者必謁



錦湖先生詩

先生諱欽禮賓卿九世孫 正德庚午中司馬以  
孝行屢登鄉道薦 嘉靖癸未蒙 除溫陽縣監

純廟丁亥士林齊發公議建祠于咸平月溪

五言絕句

雨後詠春

向晚書樓靜春山雨後時一理生生妙觀於物上知

偶吟

閑筇暇日出臨水對青山動靜無窮理從知在此間

七言絕句



觀射帳

相逢意氣對帳立效在不難  
不易地審矢固弓然後  
發中焉其巧力而至

題三印亭

與宋校理教明李郡  
守受益共會此亭

一樹黃槐紫綬三高朋此日得  
西南清遊適與良辰  
會雨後春山歛翠嵐

進士羅德基以詩乾曰處仁兼守義鄉黨共推賢  
至孝 天恩重遺言世業傳侍湯投綬日廬墓曳  
衰年驚罷摧櫟夢令人淚潸然

月溪祠



進士姜桂榮以詩謝曰清溪汨瀟又高山學士遺  
芳在此間世事無常衰且盛文風不墜往而還至  
今講樹禽猶語依舊書窓月欲彎奕宇新成多廣  
感是心操處是心閑

安志煥以詩謝曰古人風味在溪山白露蒼葭溯  
此間里老猶傳烏角去洞仙遙待鳳笙還廟因肯  
室新成制箕學良弓利用彎百年曠感今纔展禮  
畢衣冠濟濟閒



金治外史遺稿



剡湖公詩附

公諱景文禮賓卿十世孫也宣廟朝提司馬龍

蛇之亂公傳檄詣道召募義兵轉運軍餉是倡義  
使金千鎰陳備禦之策以孝陳除繕工監叅奉行  
書狀官作萬人疏極陳昏朝弊政與趙玄洲權石  
洲金東林睦孤石相爲文苑之交晚節杜絕世遊  
教誨不倦以道學立祠

五言絕句

渡頭即事

古渡無人跡汀洲曉雪平招招舟不至立馬看潮生



次李綿体

各惠止水

韻

官牋白於雪誰遣玉為詩山水平生曲千秋一子期

附元韻

未下陳蕃榻先傳李白詩山陰政風雪梅發即佳期

七言絕句

從軍行二首

雲旗拂掃關城傳道天驕襲漢營戰士角弓彎海  
月將軍羽檄動流星

又

邊烽昨夜照函關見說胡窺碧海灣百萬漢兵催夜



發轟天銳鼓呵羣山

次林子定盆梅韵

此花心事此翁知  
還似峨洋遇子期  
料得暗香浮動處  
月黃昏下兩三枝

別林石村

召命

紫泥新濕鳳鸞書  
草裡孤臣萬死餘  
風竹蕭蕭楚畝下  
故人誰問翟公居

按公之詩即有所感而作也  
刊行文集二卷而鄭東溟  
斗卿序鄭畸翁弘溟跋各載錦城忠孝烈錄



楚海風遺稿





栢谷先生詩附

先生諱克敬梅湖十世孫早遊南溟曹先生之門  
受性理之書聞敬義之說與崔守愚永慶吳德溪  
健河覺齋沆諸賢切磋磨礱以成其德亦嘗往來  
葛川林先生之門講論道義林先生多推許等臺  
種樹名以大樹亭取夫子習禮大樹下之義亭于  
晉州鼎岡書院

七言絕句

幽居卽事

無稅林泉有樂地採山釣水足吾生行行却怕甲子



廣校義工夫在自誠

重修德川書院

德山山下扶屨所祠屋重新劫火餘春秋俎豆明禮  
禮如復函筮敬攝裾

讀朱詩

千載真源溯紫陽寒潭秋月照餘光看致詩中活潑  
地此時方識道心長

按此詩卽德川書院創建時也 萬曆壬辰書

院燬于倭燹越十年壬寅與李茅村靜河汾洲

澄極力重建而一依舊制



松溪先生詩

先生諱武晟字士超梅湖十二世孫學聞惺正志  
氣超凡壬丁之亂二度起義俱捷水陸行竄城府  
使 贈戶曹判書享于興陽龍崗祠享祀文曰忠  
孝俱全百世之師茲值中丁牲幣籩豆

七言律詩

感興詩

當時雄武動如神誓海盟山共得均誰把龍泉閑寨  
掘頰傾渭水洗兵塵良弓墜下高飛盡義士門前遠  
道因回首清秋歸去路猶閒琴酒伴松筠



按此詩公退卧丘園時歟功名之下性命難副  
故因賦歸田錄退老丘園以終餘歲歸田賦失  
傳惟此詩載在他集中耳

附  
行狀

叅判朴公名賢擬曰公自在髫齡志氣磊落頗有  
大人之風及至成童尤篤於孝悌之行接人處事  
皆以忠信和順爲主父母之喪皆廬墓三年好讀  
書兼通武藝逮至萬曆壬辰倭寇之變公以白  
衣從事於忠武公李舜臣與李億祺宋希立金浣  
鄭運等爲國討賊忠義自勵屢建奇勲及其晉陽



城陷也公探知事情而義將金千鑑崔慶會高從  
厚等相與握手痛哭再三泣別全身至陣李公下  
堂迎入大加致謝焉 天啓丁卯清人之亂公領  
三道戰船日夜馳進嚴整戰陣 仁祖即使引見  
特爲許獎至于執手而興嘆不已錄宣武寧國一  
等功臣出知慶興龜城昇統制使 贈資憲大夫  
戶曹判書兼知義禁府事五衛都摠府都摠管松  
溪以號爲盡心王室忠義激烈云

七星劍

至今尚在每天陰雨  
濕之夜鳴吼不已

朴基均以詩擬曰吾知神物待人賜忠義將軍決



死生烈烈鎔來天地氣蒼蒼淬出斗牛精龍吟匣  
裡千秋蹟跡盡臺中萬古名貽燕無如斯厚願  
君成得答時明



修齋先生詩附

先生諱克一梅湖十二世孫 天啓六年公討橫  
城賊仁居而以勲功封驪平君繪像勲府而立祠  
于茶原與巨濟

五言絕句

與諸將盟時有詩

自寮醒塵起曲橋用地水夜半期三捷酬君幾壯士

七言絕句

誓師詩

挺身矢石夜將冥暈月引光洗劍汀同我諸軍停馬



誓聊看松栢歲寒青

附行狀

奉朝賀金公履陽挺曰粵我仁廟朝丁卯橫城  
賊仁居以兵叛洪寶等十一人討平之朝廷錄  
其勲盟付翰忠奮義決策靖亂昭武功臣贈資  
憲大夫工曹判書行嘉善大夫戶曹叅判驍平君  
陳公克一即其一也入歲讀小學至古人誠孝大  
端輒沉思良久喟然嘆曰人而不如是豈可人乎  
哉自事親一以小學爲準與郡兒嬉戲好騎射爲  
郡兒長驪陽君嘗以不專意文學責之公對曰文



學所以知忠孝之道武技可以成忠孝之業儼然  
後忠孝之事畢矣 天啓六年除利安縣監時仁  
居據橫城陰蓄異圖公馳入縣衙立呼守李擢男  
曰君爲命吏有賊在境獨能晏坐鈴閣乎李公愕  
曰君來何晏也遂與之握手計議未半忽有二人  
者戎服請見卽本縣壯士辛慶永李允男也公顧  
謂李公曰今夜之會天也小寇何憂焉本縣武士  
元克成亦募兵來會軍聲稍振會原州牧使洪公  
璽以大軍追擊之擒仁居 朝廷卽拜公安城郡  
守錄其勲 上命禮官致祭噫爲國家封疆之臣



者當國家患難之際不戴不撓生死前去事成則  
功載鼎彝不成則節並松栢者從古何限而細究  
其所遇所安之地則或取決於譏忽之頃奮發於  
激勵之勢未必皆有積累之功而乃公則肇自童  
習已知才兼文武然後可以盡忠孝之道此實天  
授之良能學力之素養此尤可敬也已足爲狀



喚醒菴先生詩附

先生諱克純禮賓卿十三世孫璣衡之制太極之  
圖妙齡皆已洞契至於星學曆數地經之說亦皆  
旁通尤甚於易理玩而喜之其服膺遵守全在小  
學常曰小學工夫不可有一節之缺不可有一時  
之厥黃雲溪信龜撰曰循蹈階級無凌虛鶩遠之  
弊有涵養篤實之味自治誠切而非苟於行者也  
七言律詩

是非詩

是非非處非非是天地間無定是非纔自是時還不



明倫彙編 家範典 第... 卷...

是苟知非了又何非非能是是非猶是是不非非是  
亦非是是非非公自是莫須私是莫私非

按此詩卽入寓意而作也以道學立享于南

高巖書院



樂谷公詩

附

公諱翼漢梅湖十五世孫也 肅廟庚寅中司馬  
兩試甲午擢增廣乙科官至龍岡縣令公少從學  
於壺谷南公龍翼壺公稱曰真是天才於書無不  
涉獵爲詩文各得體格 邇中記事甚敏李尚書  
晚成出語人曰陳某可謂飛注書太學士李公秉  
常又許以優於館閣有遺集若干卷藏于家公常  
往謁權遂庵請教遂菴爲手書直字又著說此乃  
朱夫子易簣前三日所教百餘言公拜受而粧屏

詠春

大歲  
作



樂府新編  
崖柳含烟綠山花得雨紅

歷代表

十歲作

仁如天智如神  
就之望之若雲  
若日富多事壽  
多辱治歎亂歎  
問外問朝

五言絕句

題蕭史吹簫圖

秦代飛仙子如何壁上移  
吹簫聲未聽惟見鳳來儀

三月晦日

草草三春節匆匆一夢過  
可憐明日後鬢作夏天歌  
道院石上有刻石庵所寫  
霽月光風更別傳感



而作

大澤亡龍虎荒池咽鼃蛙阿誰刊七字吾道寄蒼崖

護李領相名鞠行

亢極兼期願先生順受正可堪不憖遺宸悼九重聖

又

海東婦孺流皆識睡村相赤舄遽歸藏永孤加額望

襄陽途中次巡相李公名箕韻

濺濺雲如海茫茫海若雲因緣雲海去我亦白鷗羣

七言絕句

詠雨後庭僚呼韻



大雨初來水滿塲深繞沒足廣如湘中流草葉來還  
往疑是蟹塘掛席商

過玄石先生墓

寒烟衰草蔽荒丘相國遺風但一抔  
鷄絮薦誠嗟未遂滿山黃葉使人愁

過臺谷兩尚書舊居

破屋荒亭枕碧池  
壺翁曩日此棲遲  
下載重來尋舊跡  
滿園花柳使人愁

雨後宮詞

宮樹霏微禁漏傾  
朝來太史報新晴  
頻聞入路多甘



雨正是君王玉色平

次任士懷餞春詩韻

漢城西望夕陽斜  
遙惜騷人怨歲華  
休詫牡丹春後在  
九秋寒桂有仙花

宿洪奉事

萬宗

戚叔宅朝起見薔薇以雨盡落偶

吟

宿雲猶濕曙光迷  
牕外幽禽款款啼  
知道夜來風雨惡  
薔薇落盡小牆西

題守阜上人詩軸次壺谷南尚書韻

師門立雪升經年  
開軸今朝見舊篇  
珠唾捧來思款款



和筆頭悲恨暗相牽

過滄浪亭

亭即權公所寓余於公為外孫有感謹賦

滄浪亭子枕江流石老何年賃屋留遺跡至今無處問落花芳草使人悲

舟行隨李相國

會至石室山隅卽事

弄捧絲綸出漢洲浩然歸路更東之江神似識吾王意故稅行舟上瀨遲

世子宮春帖子

平明鷁駕侍龍樓春報青臺雪意忤仁孝已符延頸望八方民庶竟歌謳



登斷髮巔

仙界迢迢一夢牽  
此生長愧縛塵緣  
今來斷髮巔頭坐  
願得金剛萬二千

萬瀑洞次巡相李公韻

懸成瀑布漚成潭  
大抵川流碧勝藍  
行處自然衣袂濕  
不知身在萬山嵐

謁丘山書院謹次退溪先生韻

百年吾道在臨瀛  
山自嵯峨水自清  
瞻謁恍聞絃誦響  
一方儒化賴文明

月精寺敬次先祖右司諫公韻



先祖何年到五臺碧山無語暮雲低  
遺篇爲向禪樓揭回首千崖意自迷

又

去歲登臨最上臺四邊嶠嶽眼中低  
偶然入洞還回轡不是劉郎再到迷

肅廟賓天後感舊賜花作

宴日千官捧紫霞慶存耆社樂無涯  
祇今似馭遊何所泣對螭頭舊賜花

豐城君洪叔

萬宗

宅遇李吏議

眞堂

有琴歌韻二絕

柳陰槐影共依然華構晴開欲暮天  
絲肉在堂傳酒



促侍郎元是飲中仙

又

賓主華堂一粲然  
匪遙歌管闌晴天  
樽中有酒終今夕  
好是洪崖伴謫仙

五言律詩

老栢爲風雨所折歎

栢樹千年老  
童童立近郊  
枝柯長偃蹇  
風雨忽咆哮  
虎倒委荒棘  
鸞飛失舊巢  
草堂顏色少  
初計負誅茅

詠宦海

海成平地上  
無底亦無灣  
忽爾生風浪  
居然起雪山



瞿塘猶是坦巫峽豈曾艱試問津頭客何人勇退還

登長淵門樓有作

海西形勝地此會最奇哉落日樓千尺春風酒一盃  
小川將綠去遙嶽送青來信美非吾土歸心忽復催  
遊金沙寺得開字韻與任和仲任士懷同賦

海西無限景空洞望中開人傍江流去山迎馬首來  
詩情宜落日風色作輕埃金剝今宵月同君把玉盃

登獨松亭贈主人

金鎮瑞

不有神仙債那能勝地逢眠鷗占晴日巢鶴得高松  
雨過沙紋亂巖歌水鼓舂漁人回棹去江上一青峯



崔直攀叔宅遇李汝五

常叔話

小室蒲團靜，敷使會面初。  
樽前半日話，宵裡五車書。  
砌石朝陰改，庭杉晝影疎。  
清詞真刮眼，款款意茫如。

壺谷南尚書政碑

臺老維楊守于今幾歲，稜蒲蘆民俗化。  
琴鶴吏情遺，峴岵羊公石羅池。  
柳子碑舊時門下客，回首一含悲。

玉流洞

水勝廬山瀑，人成獵展遊。  
蒼巖千古色，白玉二層流。  
別境神應秘，深春景更幽。  
南公棲息地，遺跡至今留。

遊玉泉寺次閔士衛

翼韻



暇日招良友遙遙上碧岑湖山千里眼宇宙百年心  
仙洞烟霞晚祗園歲月深長歌與短詠聊復暢幽襟

拜十代祖刑曹參判墓

在坡州  
三峴洞

二百年前事雲山無語高短碑留古麓隆秩記秋曹  
藏隧少喬木繞塋多亂蒿殘孫來省掃雙笛響林臯  
拜八代祖山陰縣監墓

吾祖山陰守輿經羨蹟傳蟬聯何赤舄螽誥史延綿  
代遠山空峙墳孤石不顛家聲今寂寞瞻拜一潸然

高陽衙軒與主倅沈丈

漢柱同賦

旅遊當小至風雪弊貂寒盡角恒愁聽青編且懶看



有朋開晤語無使寄平安夜夜還家夢不知山路難

用簡齋集韻留別沈而天

聖希

銀燭照瑤席官樓夜不寒毫籤違宿計棋酒整新歡  
過臘梅飄閣迎春菜上盤依然分去住離思集歸鞍

道峯書院與沈而天抽劔南集韻同賦

洞壑森雙眼吾行亦已頻虛明溪得月搖漾柳知春  
把酒酬佳景張燈對故人重賡舞雩詠幽意十分新

詠鏡

有美盤龍寶團圓百年精塵消波面淨雲折月輪明  
晚屋窺粧戲秋堂照髮驚終然無點累持此警平生



次趙同年明仲

命臣

苦雨韻

漠漠炎天雨連旬  
苦未休  
茅茨貪士歎  
簞笠老農憂  
壠麥全漂水  
畦禾尚望秋  
何當少開霽  
一豁九重愁

故任持平

敬

致祭後作

一疏無他意  
知公慷慨人  
北宸辭未徹  
東市恨難伸  
風憲虞忠日  
牲香備禮辰  
精靈如不昧  
泉下泣恩綸

謁箕子影殿

在龍岡黃龍山乙巳賜額

剏殿遺真像  
簷楹依碧峯  
何年乘白馬  
此日鎮黃龍  
麥黍傳遺曲  
山河認舊封  
人條今未究  
何以警昏庸

謁慕齊思齋兩先生書院



中廟端臨日儒賢有弟昆慕思俱寓感休逸並舍恩  
進退闕時運修治見學源遺祠傍先壠長作士林尊

訪三和倅慎敬叟

無逸

兩邑偏相近晨昏聽鼓音浴中曾憤面閤外共論心  
錦瑟惜惜弄瓊盃滿滿斟看花他日會更約鷗池潯

南注書

有常稅

瑞世瞻鸞鳳臺翁儘有孫筆奇傳妙法文潤泝真源  
桂籍名纔煥蠶歌露忽翻親知今日慟不獨爲私門

又

四世從遊忝知君亦未詳金門朝釋褐玉玦暮投荒



直道終難屈芳名久益彰居然已陳跡何語慰高堂  
南生鶴舉來訪索詩得看字相和

洛東深巷養老者足安巢對客論詩史謀家辦酒肴  
過蜂喧午枕遊鳥語園梢病廢宜吾分何心作解嘲  
七言律詩

晚春隱居

茅堂新構水之濱瀟灑烟霞可隱淪白竹屏斜誰掃  
砌烏皮几穩乍歌巾風前舞蝶勤依草春後歌鶯懶  
避人蔣詡舍中無俗客羊尤羊仲摠吾倫

有耳聾眼暗之病吟詩遣懷



淑氣扇來萬物新  
吾生何事病纏身  
耳聾不取井邊  
李眼暗難分  
車上新繞屋  
閒花空作錦  
滿階茅草自  
成茵  
黃鸝不棄疲癯客  
飛到窓前轉舌頻

### 論心

靈臺孤處衆攻交  
初賦賢愚本一科  
淨似晴空懸素  
月  
虛如碧沼漾清波  
亡爲桀跖寧無懼  
存是顏曾豈  
有他  
要使泰然涵養了  
紛紛外物柰吾何

### 過坡州朴玄石舊基有感

邦家永失棟樑扶  
古屋空餘水石區  
仁宅卽今誰埋  
葺禮門  
從此更襟蕪  
未倍杖屨常多恨  
獨過莊園謾



起吁岐路茫茫楊子泣欲尋何處釋朱愚

登松道南門用板上韻

千古興亡不盡悲海西行客謾多思閭閻櫟地開新  
府草樹參天沒舊基賣酒賣茶前後市吹簫吹笛往  
來兒憑樓竟日無相識誰向欄頭倚一危

翌朝過滿月臺復用南樓韻

崩墻破礎有餘悲駐馬荒臺費客思士女猶傳麗代  
俗山河尚擁國王基趨磚進退懷朝宰遶席回翔想  
舞兒千古廢興無處問欲將孤恨付深卮

小酌次士懷韻



節序天涯漸覺闌小齋清晝却憑欄三句作客詩還  
富二月多風日每寒愁至不辭觴酌亂夢歸誰識道  
途難萍蓬散合元無定莫若琴歌做一歡

### 燈夕聽琴

賓主交歡簇兩邊一堂清夜動商絃音中乍聽真珠  
滑曲裏俄聞甲馬闐且愛匝進紅袖亂任教燃樹彩  
燈懸團圓不必辭多酌爛醉何妨枕股眠

### 幽居八趣

#### 小圃治蔬

歌著綸巾把一鋤新開小圃種佳蔬霜菰露蘖三疇



滿綠萼青葱數畝餘適口肯嫵聲出角登梓頗喜味  
勝魚傍人莫晒樊遲學腰下何妨帶古書

古砌培花

東君消息報山家獨向閑階薛百花灌水先移朱槿  
樹培泥新護玉梅植已憐芳意迎春動將見繁英逐  
節誇微雨霽來晴晝永滿庭踈影自橫斜

後園種樹

背屋初成一小園新栽衆樹溉其根春多好雨花將  
動節近清明葉欲繁已愛扶疎庭畔月會看粧點水  
邊村秋來倘結離離實盃設圓方佐酒樽



前池養魚

防流等石作方池新學陶朱種鯉兒繞島自成千里  
遠投竿豈待一年遲波頭却怕蒼龍變堤面長看白  
鷗窺不必貪厨愁冷落蒲盤風味九秋時

溪堂把盃

茅堂淨掃小溪隅崖幘春風把一盃不待典裘紅友  
至何須送酒白衣來偏憐竹葉叅差綠况有梨花爛  
熳開漸入無何吾老我傍人莫笑玉山頽

山榻鼓琴

閒居何物會真心山榻蕭然有一琴手裏青銅初變



琴絃中綠水政揚音玉生荆嶽烟光濕珠泣滄波月  
色深可惜鍾期今已沒誰知此曲直黃金

朝八哦詩

朝恣清絕動高哦春物繽紛引興多堤柳岸花前後  
句水禽山鳥短長歌蒼藤掃盡仍成軋彤管揮來若  
有魔聖代薰風思欲和奈吾孱懦不才何

夜燈彈碁

枯碁三百手中彈清夜雙髯對竹欄小壁挑燈光炯  
閃方床落子響闌珊驚風客鴈行行散離水疎星點  
點殘石室撫歌今已爛蒼生無意起來安



夜話次汝五叔口占韻

招邀秋夜敞閑齋月白風清景政佳青眼數人皆故  
舊高談一榻半調諧筆抽藝苑驪珠燦碁落文楸鴈  
陣排朝日上牕分散去向來簪盞忽成乖

與諸友遊注葉山

冠童暇日許追陪山路登登一線開藉草却忘朋檢  
束緣溪還恣馬虺隤千年石老荒苔蝕十月林寒暮  
雪催仙剝祗應高處在磬聲遙自白雲來

送柳季通

濟

陪往南兵營

咸關以北壯藩垣南道衙門此最尊朝棟俊才爲節



度君將彩服護旌軒鐵山雨氣寒猶結青海濤聲夜  
更喧紅燭錦袍歌妓擁倘能時記故人存

崔伯通

亭泰

宅呼韻與金德叟

孫得

同賦

小堂閒掃水之東賓主招邀一席同西里故人新刮  
目南湖勝友舊聞風簷邊薄霧渾山綠檻外幽荷點  
沼紅詩令太嚴吟未就不知身在夕陽中

八音體呼韻與德叟同賦

金門大隱久潛居石榻藤床坐讀書絲上哦洋誰會  
意竹間嘯詠每留車鉅方苦葉吾無用土已層臺爾  
莫如草帶素冠相對話木蓮池畔夕陽疎



謁道峯書院作

層巖矗矗水潏潏院宇蕭然疊嶂間此日牲醴膺盛  
禮當時虎豹胆重閤風微檣影簷頭轉雪盡苔紋砌  
上班更有清詩留玉板一回莊誦不知還

題贈戚兄柳慎甫

尚徽

約道院之會

城西村落襲魚鱗獨向盤松訪故人軟語從容蘭有  
臭清篇點檢玉無塵繞蒿小屋春光早踏月寒橋夜  
色新何處盍簪佳約在道峯山色碧嶙峋

遊普德菴

奇巖崑虎蹲形其下仙庵掩石扁俗客昇階僧眼



白春山入座佛頭青  
臉間遠挹三江水  
簷底平臨七斗星  
聞有義湘兼望月  
吾行限不盡搜冥

登南漢山城西將臺有感

南漢危城立欲摧  
早春輕服上崔嵬  
西臨大野茫茫遠  
北望長江滾滾來  
千仞地形猶可恃  
百年人事最堪哀  
荒臺盡日孤吟坐  
盡角聲中落照回

次洪奉事

萬宗

戚叔集勝韻

高亭一望政蒼然  
三浦風光盡眼前  
萬瓦臨江漁戶雜  
千檣泊岸稅船聯  
深盃遠屬仙峯月  
短笛橫吹栗島烟  
數日登臨清賞足  
不闕塵世煖貂蟬



道峯書院次張永叔韻

紹宗韻

桑鳩喚友洞雲沉青嶂霏微問幾尋  
虛榻邀朋談塵落小燈開卷睡魔侵  
依巖老木描新畫近砌清灘寫玉琴  
青歲寸陰堪可惜莫思深室擁長衾

送徐君錫

命

兄弟八洛

鵲花無跡杏花忙節物撩人思轉傷  
偶爾挾書留古院幾面臨水送春裝  
芳聯棣萼誰敢敵臭襲芝蘭却不忘  
聞道故林相住近倘能回轡問柴桑

道院次李明彥

宜炳韻

詞家大手永稱誰流水如今遇子期  
彤管用才應鬼



助緇帷勉學亦天知設椒佳節無及日燃燭清談復  
幾時歸去故林誇所得碎珠驚雷闕新奇

高陽衙軒與主倅沈丈漢柱同賦

寒雨霏微不肯晴客臉愁看暮雲生偏蒙庾館傾心  
待更喜隋珠照眼明良夜笑談如有得晚年詞賦愧  
無成逢場便問溪山勝默識尊公吏隱情

詠石假山爲尹會千慶一作

看君平地起名山天姥峨嵋几杖間突兀三峯撐骨  
角嶙峋數疊露容顏恒留恠鳥依林宿乍引晴烟繞  
壁間泉石向來成痼疾竹筇從此懶躋攀



寄趙同年明仲

命臣

携君往歲寄禪關  
晨夕呻吟意未閒  
敢恨愔奎今落拓  
猶勝螢雪曩辛艱  
傾家既乏中人產  
攬鏡渾無少日顏  
奔走勢途非我志  
不如持酒對青山

世子宮春帖子

葭灰潛動早梅前  
瑞靄葱籠雜曉烟  
紫極問安憑小豎  
青闈贊德藉羣賢  
功存講討宗祊慶  
譽洽元良遠近傳  
會待聖躬康復後  
春和日日啟書筵

謹次成大父故任掌令

元任

司諫

元任

校上韻

老木蒼蘿隱小衙  
清幽物色似禪家  
乍遊虛館天方



凍旋讀遺篇歲已賒  
村樹日高烟作界  
野碛風濶雪無涯  
卽看兩老俱冥漠  
未信丹丘有鍊砂

酒泉縣得泉字韻錄呈閔東巡相李公肇

兩歲三巡到酒泉  
盡樓形勢自依然  
荒碑古字徵賢宰  
破石遺痕想醉仙  
風過暮江波曳錦  
雨餘深峽草鋪氈  
紗籠舊製猶無恙  
應待褱帷再駐年

敬次閔公

鎮遠

莊陵奉香韻

邦家愍鬱久方伸  
明斷重宸仰聖仁  
父老尚傳丁歲事  
園陵始設卯年春  
卽看寃氣仍回瑞  
應識精禋可慰神  
陰隲思多扶護力  
寶基鴻命更膺新



趙政丞相稅

位赫三公壽八旬兩朝榮寵曠無倫  
風儀已仰遊覺日德業彌彰  
卧閣屢誰識中流摧砥柱即看雙劍會  
延津高門福慶真堪賀膝下兒孫四十人

謁遂庵先生

寒水齋中拜遂翁我行三度到清風  
極知道氣消頑鈍稍覺微言豁蔽蒙  
來晚恨垂年少壯去遙嗟隔地西東  
惟應直字相傳訣佩服平生飭此躬

西郊哭送

肅廟靈輦不覺失聲仍成一律

小臣傭碌荷陶白束帶趨朝已五春  
文階始登承教



集卷之遺  
僭御床頻近覲顏親極知盛烈光仁顯更覺徽稱叶  
義倫望見靈輿踰峴去一時雷哭遍城闔

辛丑元月與舍弟往拜芝村先生有作

昆季聯翩信馬行滿山寒雪拜先生康寧乍進迎新  
賀唯諾粗伸敬老誠要使工夫存實地極知身世誤  
虛名從容几席承嘉誨不覺前村返照橫

珍島卽事

烟瘴連天巨浪掀沃州城外暫停軒羣巖峭立疑鰲  
戴小艇輕搖畏鯉吞懸樹柑柑千百顆繞衙茅尾兩  
三材同年旅抱知何似有淚盈眶口不言



甲辰臘月與洞友夜話壺舍聞一鏡虎罷正刑  
有作

四歲陰雲蔽九霄忽然吹捲有清飈  
纔聞兩賊頭先  
斷定識羣匈膽盡銷  
天佑綴旒危復正日臨抗竈暗  
面昭吾曹幸得閒無事煎燭彈碁度此宵

故趙相國

采恭

致祭後作

雲杳曉捧五雲中西出衿陽祭相公  
世亂忠貞惟禍  
酷時清節惠荷恩隆衣冠此日傾朝至  
俎豆他年達  
議崇悃悵石支盈掬浹更逢三胤  
漚無窮

次寒泉書院韻示諸生



靈區羨躅冠吾鮮人是龙翁地冷泉泗水絃歌要聞  
學屏山雲月異尤仙百年遺趾瞻川上四字華題自  
日邊卿命此來榮曜極古臺花石更春天

練光亭

重城複壁倚蘭皋上有名亭氣勢豪天下江山誰最  
勝海東樓閣此爲高兩行官道陰陰樹十里烟波泛  
泛舫佳境極知難寫得且憑危檻強揮毫

箕子墓

箕聖東來翔八條至今功德被荒要施疇盖緣玄龜  
錫處義先從白馬朝經界美規誰繼往苾芬華冑尚



傳遙蓬科百代令人敬偃僂斜陽屢折腰

巡相

洪錫輔

延謚宴敬次巡相韻

連雲翠幕壓江濱  
臘日風烟尚帶暄  
美號自天揚盛烈  
賢孫伏地謝洪恩  
纖歌迭奏東山妓  
大酒頻傾北斗樽  
十二湘亭今夕會  
不知燈燭過黃昏

嘉山試院示都事趙挺寧邊倅李碩輔

挺周

汧路春寒乍解嚴  
夕陽虛館掩重簾  
箕營亞伯先停蓋  
寧府仙官已駐蹕  
唯願較儒忝俊傑  
不須招妓問施鹽  
他鄉此會知難再  
並榻團欒七日淹

巡相胤子魁蓮榜到門敬次巡相志喜韻



西闕慶會公家事前後科榮大抵同攀桂勝遊當作  
尹摘蓮新耀屬觀風方知翰墨才俱富不獨門欄運  
極通何況掛燈佳節屈化翁奇助亦多功

巡相大夫人壽宴敬次巡相韻

盛宴趨參已再三晬筵今日喜何堪行春一路賢方  
伯上壽千年至孝男歌詠也應傳遠邇衣冠不獨盡  
東南笙絃匝座酬籌促共惜前江落照含

宴席又次洪台君舉

鉉韻

高堂拜獻壽千年晬日西京敞錦筵八耄康寧堪喜  
賀二卽金紫合流傳笙歌亂動稱觴後花葉交輝舞



絲前雲蔽亢陽仍不雨德門嘉慶揔閑天

隱仙洞尹台季亨

陽來

昆季韻謹次

聯翩四袂步旋停高御天風覺爽冷長瀑瀉谿真別  
界晚楓粘壁摠奇形卽看樵子緣苔磴仍憶仙僧剏  
石扁謀把一觴流此水盛遊何必說蘭亭

梨峴初夏次韓佐郎汝霖

潤韻

板市東頭盡綠陰僻村終日掩門深吟哦愧我無新  
句談笑知君有古心藏塢晚花香擁鼻灑簷涼露灑  
盈襟齊門一念都休歇竿瑟何須擇好音

送趙亞銓子章

尚綱

以冬至使赴燕



男兒墮地志蓬桑萬里賢勞也不妨  
緩緩金貂辭漢闕遙遙車馬向遼陽  
朱家舊物山河杳白帝遺蹤堞壘荒  
隨處感懷何以洩定知篇什自盈囊

聞趙大憲國甫

觀謫大靜

陰風滅燭紙牕幽此夕聞君謫濟州  
未忍朝家容巨猾尚祈䟽語悟靈脩  
滄波路遠蛟龍怒古島天寒魍魎愁  
坐見忠貞含恨去冷官烏帽亦堪羞

見差

宣陵寒食典祀官與

靖陵典祀官任

伯由

轍

同行罷祭後同遊奉恩寺口占以示

太學官僚相見稀偶然江路並驂駢  
喬陵獻祝微誠



展古寺探幽逸興飛風軟澗花含藥滿雨餘郊麥吐  
芽肥蒿工且莫挈船待景物留人久未歸

寄謝成僉知

憲

文寄丹藥

荷衣羽扇自山還鬢髮暗皤尚舊顏幸許刀圭分蓄  
貯應憐床褥飽辛艱方傳嚙永何能得法秘餐霞且  
不慳痼癘卽今民命近願將靈藥播人間

乙卯早春次李義仲

建 謏

幽齋煎燈集嘉賓不覺深宵到丑寅偏感故情要慰  
病共憐衰鬢又逢春當簷二樹枝柯老映戶三山色  
態新聞日諷吟真一樂北隣詩價肯媿頻



洪同敦寧

受

韜日感吟

九十五年如一夢素車今曉出東門  
金貂已貴官猶冷桂玉長貧客尚繁  
方隱市壺看不俗倏騎陂竹甕無痕  
標蒲舊戲嗟難再病卧深廬涕自捫

五月初六日先府君忌日也病卧京邸不與祭者二年泣血以書

年踰六十病纏縈孤露人間歎此生連過忌辰身獨滯每思讐歲涕交橫老妻尚管供蘋節諸弟應加獻  
觴誠歸侍九泉知不遠豫教幽宅傍先塋

次趙明仲道峯別業韻



供世何人肯避塵貴君巖壑早抽身依山棟宇寧嫌  
陋近水烟霞不患貧心靜簡編時自遣話閒草木日  
相親有官輒起休還往誰得優遊更得真

李判書汝五叔謫鍾城余病卧吟

磨天嶺北鬼門遙底事公為一葉飄泥溷玉冰終不  
榮歲寒松柏獨難凋身當去國丹心倍鬢為憂時白  
髮饒垂死病中驚起坐古人詩語即今朝

送南同年國寶

漢紀

之任旌善

仙區作宰意何如幹事曾年我一過疊嶂蔽衙屏四  
合澄江遶邑鏡新磨久拋接楫臨民少長對烟霞得



句多同閑病癢能記念刀圭莫惜割蜂窠

詠七國

秦

鶻首歸秦天醉迷嶠函在右漢中西等成塞北連雲  
雉掃盡關東接翼鷄五帝功高碑正屹三山路隔海  
難梯可憐白帝山河氣暗鑠秋郊鬼母啼

楚

臯鳥飛鴻政閣開郢都宗社世傳來章臺月午歌聲  
動夢澤秋高獵騎回雲至輒成神女夢草衰誰作布  
衣哀騷人詠罷懷沙賦漢水方成一夕灰



齊

勢敵嶠函百二重周遭粵自太公封臨淄戶滿三男  
子秦岱山爲五嶽宗踐土誓盟能擯狄孟嘗賓客競  
登龍如何獨負連鷄約蕭瑟荒園詠栢松

趙

武靈胡服破樓煩鎖鑰當時壯北門都市俠流裝寶  
劍俠家賓客挾金樽質通洹上秦關閉錐現囊中趙  
國尊誰識七雄征戰裏邯鄲賈豎辨乾坤

魏

大邑雄都自晉分豪風爭道信陵君高堂自養三千



士單騎能輕百萬軍金闕壯觀空宿草夷門往跡卽  
浮雲薄游晚有采園客司馬長卿四海文

韓

勢接函關豹虎強地形如繡錯封疆成臯洛水遙連  
鞏合附完馮盡出棠牛後汚名著六國蠹文遺怨寄  
千霜可憐五世張公子手裏金椎響博浪

燕

燕國千秋感慨多雲中碣石接滹沱金臺寂寞昭王  
骨易水淒涼壯士歌白日長虹妖變作繡衣羅縠事  
機訛秋蓮竟染青宮血其柰枯魚謾泣河



既心齋公詩附

公諱義杰

初諱廷杰

字仲平梅湖十七世孫篤志好學

交遊於教傳尹先生得觀門性理之書天地曆數  
無不融會貫通與李蔚山廷仁相爲道義之交春  
秋會于石室書院儀禮家禮述思錄等編切瑳講  
磨遠近諸賢士友莫不敬仰焉

五言律詩

敬呈聘翁吳同知

莫問公年幾婿今七十翁鬚眉疑鶴白顏色似桃紅  
方叔猶能壯許承何妨聾無疆壽考福傳世孝兼忠



戒小孫勸學

小孫齡十五懶讀古人書磨琢違時習遊嬉每逸居  
不分魚魯字那免馬牛裾勉爾從今悔光陰莫擲虛  
習鄉飲禮

少來好讀禮餘事爲文章抑抑威儀揖彬彬道德光  
可觀天秩叙誰謂聖人亡難復興三物叢綿寂寞鄉  
贈申聖希顯摸

聖希吾所愛頗有古人風松菊前階上圖書一室中  
白頭君踰艾黃髮我成翁向晚襟期物宛然麻倚蓬  
石室書院鄉飲禮退定故再向有吟



人嘗孤筇客重尋石院程嚮時佳約退明日飲儀行  
間合三終雅獻壽百拜觥觀鄉王道易吾輩樂昇平  
贈李蔚山善長廷仁

我耆君老少共悲髮皓然老能蹈實地自愧送虛年  
貧富知皆命窮道付彼天孤筇徒步緩勝似塞驢鞭

杏亭

銀杏庭前老種來問幾春葉敷疑鵬脚幹直閃龍鱗  
駸駸成陰厚團團結實句石壇其下等習禮可明倫

七言律詩

敬呈成判書公德朝

先君發解與李判書敏輔  
會蓮洞李黃州奎輔宅做



工成丈亦來同研矣至今始拜  
不勝風樹之悲率以一律奉呈

憶曾先考孰同研高會城東甲子年成丈吐辭文似  
海李公聘藻筆如椽哀深少子攀風樹慶積高門折  
桂蓮五十年餘今始拜臨遙不覺涕漣漣

與三希齋閔斗世遊冠岳山

妄欲偷閑學少年眼前冠岳短筇邊誰知白髮塵中  
客化作紫霞洞裏仙直上千尋磴路俯臨九點齊  
州煙臺名戀主猶餘戀不是南充謝自然

旌節祠釋菜日有吟

清風千古四方聞南趙先生戀舊君  
松影遺祠青不



改苔花古壁碧成紋貞心春老松山巖善節天恢石  
窟雲笈少青衿來薦苾仲春剛鬣一牲分

與洞中崔健亨諸益訪溫陵詹郎崔壽亨有吟  
四袂聯翩訪碧山孤筇遙指白雲間枝踈喬木千年  
老石鑿清溪幾曲環喜眼拭青無限樂雅襟披素有  
餘閑主人自是風流客數斗濁醪應不慳

次吳羽常大心韻

岳陽終古佳麗州倦客孤筇幾度遊忠貞遺像先賢  
院靜樂高風小佛樓千里目窮堪可嘗一身足爾不  
須愁素沙流水春來濶無數東風上下舟



月樓尹先生

溪衣大帶儼然坐尚憶先生在月樓儀節三千曲禮  
拜卦繇六十遺經收白頭晚歲猶居敬黃卷中間幾  
瀆幽清粹舊客難復見高陽蕭瑟一坏邱

贈閔叅奉師膺

一泓相承內外分源流滾滾有仍雲我先昭格署叅  
奉乃祖驪平府院君生作舅甥崇禮館死同兆域始  
興墳通家舊誼今猶在情話慇懃到夕曛




凡我驪陽陳氏自梅湖公以下支分派裂散在四方者不知其爲幾麗也世代寢遠門戶零替而猶以我東名族至今見稱於人者特以梅湖公之爲是祖故也公自幼年聲望甚隆出八承明回翔鑾坡充以詩鳴國家之盛而藻品則有威鳳文豹之譽韻格則有瑞雲祥雪之諡赫赫爲耳目之所照不幸中間全稿散失先輩之搜集僅成一卷雖諸宗中未能通行苟不重修則來世易致遺漏之弊後昆亦有茫昧之歎故重刊此編以爲吾門無窮之寶而兼以子孫中忠賢名於世者十餘員附錄於卷末蓋烈義之不變



者忠也才德之出衆者賢也則此豈人人可做乎家  
家易得乎古昔之表忠旌賢良有以也今幸出吾門  
者非特一二而不忝先祖則豈不美哉亦不盛哉其  
行蹟各有別錄故不並附云

崇禎紀元後四癸丑仲秋後孫鍾謹識











十  
年  
一  
度  
大  
修  
每  
年